

PROVEDOR DE DIREITOS HUMANOS E JUSTIÇA



**RELATÓRIU MONITORIZASAUN ESTADU EMERJÉNSIA
05 Outubro – 03 Novembru 2020**

KONTEÚDU

KONTEÚDU.....	2
LISTA AKRONIMU	3
RELATÓRIU MONITORIZASAUN ESTADU EMERJÉNSIA.....	4
PARTE I - SUSESU, DEZAFIU NO REKOMENDASAUN	4
A. Susesu.....	4
B. Dezafiu no Rekomendasaun	5
PARTE II – REZUMU REZULTADU MONITORIZASAUN	5
a) Regra Medidas Prevensaun COVID-19.....	6
b) Kumprimentu komunidade hodi uza máskara, distánsia sosiál, fase liman no evita halibur hamutuk iha fatin publiku sira.....	6
c) Kumprimentu lideransa komunitária nian ba medidas preventivas eintermus kolaboraun hosi responsaveis munisipais no lideransa komunitária.....	7
d) Kontrolu Sanitariu.....	7
e) Pontu Entradas.....	8
❖ Fronteiras terrestres Batugade Mota-Ain.....	8
❖ Fronteira Terrestre Salele Mota-Masin.....	8
❖ Fronteira terrestres Sakato-RAEOA.....	8
❖ Portu Dili (Aportil IP).....	9
❖ Aeroportu.....	9
f) Edifsiu Públiku.....	10
g) Fatin Públiku.....	10
h) Konfinamentu Obrigatóriu.....	10
PARTE III – ATIVIDADE PDHJ.....	11
A) Tratamentu Kesar.....	11
B) Monitorizasaun.....	12
C) Intervensaun urjente liu hosi rekomendasaun spesífiku ba entidade sira.....	12
ANEKSU I – REKOMENDASAUN HOSI PDHJ DURANTE ESTADU EMERJÉNSIA	13
ANEKSU II - LISTA FATIN MONITORIZASAUN NO REZULTADU OBSERVASAUN	17

LISTA AKRONIMU

APORTIL IP	Administração Portuario Timor-Leste
CGC	Centro Gestão de Crige
COVID-19	Corona Virus 2019
DNTT	Direção Nacional Transportes e Terrestres
DT	Delegação Territorial
EE	Estado Emergencia
EE-1	Estadu Emerjénsia dahuluk
EE-2	Estadu Emerjénsia daruak
EE-3	Estadu Emerjénsia datoluk
EE-4	Estadu Emerjénsia dahaat
EE-5	Estadu Emerjénsia dalima
EE-6	Estadu Emerjénsia daneen
F-FDTL	Forsa-Falintil Defesa Timor-Leste
HOREX	Hospil Regionál Eduardo Ximenes
IOB	Institute of Business
MEJD	Ministériu Edukasaun Juventude no Desportu
MI	Ministériu Interior
MS	Ministériu Saúde
MSSI	Ministériu Solidaridade Social e Inclusão
NGO	Non Governmental Organization
NTT	Nusa Tenggara Timur
OPS	Ofisiál Polisia Suku
PDHJ	Provedor de Direitos Humanos e Justiça
PNTL	Polisia Nasionál Timor-Leste
RAEOA	Rejiaun Administrativa Espesial Oecusse-Ambeno
RDTL	República Democrática de Timor-Leste
SARS	Severe Acute Respiratory Syndrome
SAS	Serviços água e Saneamento
SECOMS	Secratário Estado para Comunicação Social
UNITAL	Universidade Oriental
UNTL	Universidade Nasionál Timor-Lorosae
UPF	Unidade Policia Fronteira
UPM	Unidade Policia Maritima

RELATÓRIU MONITORIZASAUN ESTADU EMERJÉNSIA

Períodu 05 Outubru – 03 Novembru 2020

Provedor Direitus Umanus no Justisa (PDHJ) nu'udar órgaun independente ida ne'ebé iha funsaun atu apresia no buka dalan atu atende sidadaun sira-nia kesar hasoru podér públiku, bele hareé atu ida-idak la'o tuir lei ka lae, prevene injustisa no hala'o prosesu atu hadi'a injustisa. Órgaun ne'e iha kompeténsia ba defeza no promove direitus umanus, liberdade no garantia fundamental sira-ne'ebé hatur iha artigu 27.º hosi Konstituisaun Repúblika Demokrátika Timor-Leste no Tratadu Internasionál Direitus Umanus ne'ebé mak Timor-Leste ratifika tiha-ona.

Espesifikamente regula iha artigu 7.º no 19.º húi Lei Nú. 3/2008, 22 Feveiru ne'ebé estabese Regime Estadu Sitiun no Estadu Emerjénsia, no artigu 7.º no 8.º hosi Lei No. 9/2020, 03 Outubru, kona-ba Konfirmasaun ba Deklarasaun Estadu Emerjénsia, rekoñese kna'ar no kompeténsia PDHJ nian hodi defende sidadaun sira nian direitu, liberdade no garantia fundamental sira hodi prevene katak sidadaun sira la-hetan ameasa ka violasaun ruma.

Estatutu PDHJ hatur iha Lei Nú. 7/2004, 05 Maiu, artigu 24.º, ne'ebé altera ho Lei Nú. 8/2009, fô kompeténsia ba PDHJ hodi halo fiskalizaun no rekomendasaun. PDHJ iha kompeténsia hodi supervizona funsionamentu podér públiku sira-nia lalaok, nomeadamente Governu no órgaun públiku relevante, entidade privada-sira ne'ebé mak hala'o funsaun no servisu públiku.

Relatóriu ida-ne'e hareé ba implementasaun Estadu Emerjénsia Decreto do Presidente da República N.º 62/2020, de 03 de outubro no aplikasaun medida sira tuir Decreto do Governo N.º 13/2020, de 03 de outubro de 2020.

PARTE I - SUSESU, DEZAFIU NO REKOMENDASAUN

A. Susesu

Durante periodu EE-6 PDHJ konsistensia hodi kontinua nafatin hala'o nia kna'ar hodi monitoriza pontu entrada hanesan aeroportu, portu, fronteira terrestre, media sosiál, sentru saúde, edifisiu públiku, fatin públiku nomós observa direta kona-ba diseminaun medida prevensaun COVID-19 hosi responsavel munisipal sira. EE-6 hahú hosi loron 05 Outubru to'o loron 03 Novembru 2020, nune'e PDHJ iha mandatu hodi garante katak entidade relevantes kumpri sira nia kna'ar tuir prinsípiu direitus umanus no governasaun di'ak nomós kumprimentu comunidade sira nian ba medidas preventivas COVID-19.

Responsavel munisipál, fronteiras terrestre, portu, aeroportu no sentru saúde durante EE-6 funsiona nafatin, atu garante no kumpri regras Estadu Emerjénsia hodi prevene propagasaun moras COVID-19. PDHJ reafirma tan rekoñesimentu esforsu hosi Governu no parseiru desenvolvimentu internasionál no nasional sira atu asegura nafatin katak Timor-Leste iha duni kapasidade atu hatan karik COVID-19 hada'et tan iha comunidade, hafoin pasiente ba COVID-19 rekupera hotu.

PDHJ louva nafatin susesu Governu iha parte Ministériu Saúde (MS) ne'ebé ho nia esforsu tomak hodi garante prevensaun ba hada'et pandemia COVID-19 maske iha limitasaun oi-oin hanesan rekursus umanus, facilidades nomós medikamentus.

B. Dezafiu no Rekomendasaun

Iha periodu EE-6, PDHJ kontinua nafatin hala'o observasaun direta iha RAEOA nomós munisípiu sira hotu hanesan: Manatuto, Liquiça, Ainaro, Baucau, Bobonaro, Ermera, Aileu, Lautem, Covalima, Dili no Manufahi, esklui munisípiu Viqueque, katak dezafiu boot liu mak nafatin promove sentimentu ida komún atu kombatê pandemia COVID-19, iha EE-1 to'o EE-5 rezulta falta iha implementasaun ne'ebé uniforme hosi regra sira, ho nune'e iha EE-6, maka PDHJ kontinua observá katak dezafiu ida ne'e sei kontinua, rezultadu monitorizasaun PDHJ hatudu katak sei menus sentimentu ida komún atu autoridades munisipais ho lokais disemina informasaun ba prevensaun hodi hasees a'an hosi pandemia COVID-19.

Iha sorin seluk rezultadu observasaun iha suku sira hamutuk (49)¹ partikularmente suku Fatuquero no Talimoro munisípiu Ermera laiha avizu ka poster ruma relasion ho socializasaun kona-ba prevensaun ba hadae't COVID-19 nomós fatin públiku sira hanesan merkadu, loja, no edifisiu públiku maioria comunidade la kumpri regra ba distansiamentu fiziku, uza máskara, bee fase liman nomós kontinua halibur malu iha fatin públiku.

PDHJ rekomenda ba Governu partikularmente ba ministériu relevante hodi kontinua nafatin disemina informasaun prevensaun COVID-19 iha suku sira nomós iha fatin públiku hodi hasa'e koñesimentu nomós konxiénsia comunidade nian hodi kumpri regra Estado Emerjénsia no medidas preventivas ba COVID-19.

Rekomenda mós ba Governu espesifikamente Ministériu relevante kona-ba *front line* sira ne'e hasoru obstaklu hanesan menus rekursu umanus, facilidade hanesan kareta ho motor la adekuaudu hodi halo movimentu iha área fronteira partikularmente ba membru UPF.

PARTE II – REZUMU REZULTADU MONITORIZASAUN

Durante implementasaun EE- 4, EE-5 no EE-6 PDHJ nia observasaun hanesan nafatin liga-ba asuntu importante sira hanesan:

- **Medidas ezekusaun** Estado Emerjénsia nian kona-kona-ba Konfinamentu Obrigatóriu bazeia ba Artigu 08.^{o2}, Artigu 09.^{o3} nomós Artigu 10.^{o4} húi Dekretu Governu nú. 13/2020,3 Outubru;
- **Pontu Entradas** (portu, aeroportu, no fronteiras terrestres) Artigu 11.^{o5} hosi Dekretu Governu nú. 13/2020, 3 Outubru, regula rekeztus hodi taka ka reduz oráriu ba atendimentu públiku;
- **Lideransas komunitáriu sira** artigu 16.^{o6} Dekretu Governu⁷ kona-ba devér espesial ba kooperasaun húi responsavel rejional, munisipal sira no lideransas komunitáriu;

¹ Detallu iha tabela aneksu 2.

² Artigu 08.^o *Isolamento Terapêutico Obrigatório.*

³ Artigu 09.^o *Isolamento Profilático Obrigatório.*

⁴ Artigu 10.^o *Duração do período de isolamento.*

⁵ Artigu 11.^o *Encerramento temporário dos postos de Fronteira.*

⁶ Artigu 16.^o *Dever Especial de Cooperação dos Responsáveis Regionais, Municipais e Lideranças Comunitárias.*

⁷ Dekretu Governu Nú 13/2020 de 3 de Outubru.

- Distânsiamentu sosiál, uza máskara, fase liman, nomós evita halibur malu iha fatin públiku sira, tuir artigu 15.º (2);⁸
- Edifísiu públiku no fatin públiku tuir artigu 15.º (2);⁹

PDHJ kontinua nafatin halo monitorizasaun iha EE-6 liga-ba distansiamentu fiziku, uza máskara, fase liman evita halibur malu iha fatin públiku sira, nomós medidas preventivas hanesan konfinamentu obrigatóriu, sentru saúde, no pontu entradas hanesan (portu, aeroportu no fronteiras terrestre) nomós ba lideransa komunitáriu sira kona-ba devér espeisial no kolaborasaun hosi responsabilidade munisipais ba disemina informasaun relaciona ho pandemia COVID-19.

a) Regra Medidas Prevensaun COVID-19

- ❖ Disemina saun regra medidas prevensaun hodi kombat Covid-19 hosi autoridade lokál ba comunidade liuhosi sede suku sira;
- ❖ Area pontu entrada hanesan: portu, aeroportu, sentru saúde, no fronteiras terrestres maioria kumpri regras EE-6 relaciona ho medidas preventivas ba Covid-19, tanba Governu kontinua prepara facilidade ba prevensaun COVID-19 durante halo viajen tama mai Dili. Tuir observaun PDHJ nian facilidades sira ne'e utiliza ho di'ak tuir regra EE-6;
- ❖ Fatin públiku hanesan: merkadu, loja, no edifísiu públiku, comunidades sira la kumpri regra medidas preventivas hanesan: uza máskara, distansiamentu fiziku, fase liman nomós halibur malu nafatin iha fatin sira ne'ebé temin inklui halo lia ka kultura, festa no serimonia yudisium no graduasaun ne'ebé halo hosi universidade sira (UNITAL, UNTL no IOB).

b) Kumprimentu comunidade hodi uza máskara, distânsia sosiál, fase liman no evita halibur hamutuk iha fatin publiku sira.

Bazeia ba observaun PDHJ iha loja, merkadu nomós edifísiu públiku inklui sede suku sira ne'ebé alista nota katak maioria comunidade kontinua la kumpri regra ka medidas sira ne'ebé haktuir iha Dekrétu Governu n.º 13/2020, 03 Outubru artigu 15.º pontu 2,¹⁰ a¹¹ b)¹² c)¹³ d)¹⁴, maske lideransa komunitáriu sira kumpri sira nia dever hodi halo socializasaun ba medidas

⁸ Artigo 15.º (2) Dever Geral de Cooperação.

⁹ Artigo 15.º (2):

b) *Mantendo uma distância de, pelo menos, um metro e meio relativamente a outros indivíduos com os quais não vivam em economia comum;*

¹⁰ Artigo 15.º kona-ba Dever Geral de Cooperação pontu 2. Katak *Durante o período de vigência do estado de emergência, todos os indivíduos residentes em Timor-Leste e demais entidades devem adotar e promover a adoção de compartamentos de distanciamento social e de etiqueta respiratória.*

¹¹ a) *Evitando participar em aglomerações de pessoas.*

¹² b) *Mantendo uma distância de, pelo menos um metro e meio relativamente a outros indivíduos com os quais não vivam em economia comum.*

¹³ c) *Utilizando máscara facial que cubra o nariz e a boca quando tenham que permanecer em espaços fechados de utilização coletiva.*

¹⁴ d) *Higienizando as mãos com frequência, especialmente quando as mesmas entrem em contato com objetos, nomeadamente dinheiro, e quando pertendam entrar em estabelecimentos comerciais ou edifícios onde funcionem serviços da administração pública.*

preventivas hanesan fase liman, uza máskara, distánsia sosiál, nomós evita ba halibur malu iha fatin públiku.

c) Kumprimentu lideransa komunitária nian ba medidas preventivas eintermus kolaborasaun hosi responsaveis munisipais no lideransa komunitária.

Bazeia ba Artigu 16.º Dekretu Governu N.º 13/2020, Outubru¹⁵ kona-ba devér espesial kooperasaun húsi responsaveis rejionál, munisipál sira no lideransas komunitáriu, mak PDHJ halo monitorizasaun basukus hamutuk (49)¹⁶ inklui postu administrativu rua (2)¹⁷ nota katak maioria suku sira ne'ebé alista, autoridades lokál sira kumpri no disemina ona informasaun kona-ba regra EE-6 ba comunidade hamutuk ho NGO sira (PLAN Internasional, Oxfam no Word Vision) partikularmente ba medidas preventivas Covid-19, aleinde ne'e, PDHJ einjerál observa bazeia ba rezultadu monitorizasaun katak konxiénsia comunidade sai nafatin kestaun ba kumprimentu medidas preventivas Covid-19.

Para aleinde ne'e, PDHJ monitoriza direktamente oinsa autoridade lokál sira kumpri medida sira ne'e hodi disemina kona-ba respeita direitos umanus ne'ebé liga direta ba asesibilidade saúde, informasaun no partisipasaun, direitu ba onra no privasidade, nomós estigmasaun, xenofobia no rasismu. Iha sorin seluk kontinua observa direta ba atendumtu no kolaborasaun servisu húsi entidades relevantes sira ne'ebé direktamente toma responsabilidade ba implementasaun regra EE-6.

Iha sorin seluk suku ne'ebé alista inklui postu administrativu ne'ebé PDHJ observa durante EE-6 nota katak laiha comunidade ida maka hetan sintoma hosi COVID-19, maibe partikularmente PDHJ halo entrevista ho xefe suku Hatu-Haco, postu administrativu Venilale, munisipiu Baucau iha loron 20 outubru 2020 katak: durante EE-6 suku refere rezista kazu violénsia doméstika ida (1) no violasaun sexuál hasoru minoridade rua (2) no kazu hirak ne'e autoridade foti asaun imediata hodi enkamiña ba entidade relevante hanesan PNTL.

d) Kontrolu Sanitariu

Observasaun PDHJ iha pontu entradas ne'ebé alista hanesan (fronteira terrestre, portu, no aeroportu) pesoál responsavel sira kumpri hodi hala'õ sira nia kna'ar tuir Artigu 6.º kona-ba Obrigatóriu Kontrolu ba Sanitariu nomós Dekretu Governu N.º 13/2020 3 Outubru. Tuir observasaun PDHJ, ema estranjeirus inklui sidadaun Timor sira wainhira halo viajen sempre tuir regra kontrolu húsi pesaoál saúde sira hanesan halo dezinfekta, fase liman no termu scan.

Tuir observasaun PDHJ nian iha sentru saúde sia (9) inklui postu saude no klinika hanesan (servisu saúde Aileu, sentru saude Gleno, klinika Corração RAEOA, servisu saude Lautem, sentru saude Hatu-Udo, postu saude Ailora, postu saude Ailico, no HOREX Baucau) pesoál sentru saúde sira kumpri hodi hala'õ servisu tuir regra húsi Ministériu Saúde kona-ba medidas preventivas ba Covid-19. Para aleinde ne'e, pesoál saúde sira maioria enfrenta dezafius hanesan menus rekursu umanu eintermus kuantidade nomós facilidades ba prevensaun hada'et moras Covid-19 inklui medikamentu sira ne'ebé nesesáriu.

¹⁵ Artigu 16.º *Dever Especial de Cooperação dos Responsáveis Regionais, Municipais e Lideranças Comunitárias*

¹⁶ Detallu aneksu tabela 2.

¹⁷ Postu administrativu Hatu-Udo no Postu administrativu Venilale.

e) *Pontu Entradas*

❖ *Fronteiras terrestres Batugade Mota-Ain*

Periodu implementasaun EE-6, PDHJ halo monitorizasaun iha fronteira terrestre Mota-Ain hodi halo observasaun direta ba movimentu no atividades sira relaciona ho kumprimentu comunidade no ema estrangeiru sira ba regra implementasaun EE-6 espesifikamente ba medidas preventivas COVID-19 hanesan dezinfeta sasan no kareta inklui ema, uza máskara, fase liman nomós distánsia sosiál metru ida tuir Decretu Governu¹⁸.

PDHJ observa mós katak ba atendimentu públiku iha Mota-Ain la detekta violasaun direitus umanus ne'ebé liga direta ba asesibilidade saúde, informasaun no partisipasaun, direitu ba onra no privasidade, nomós estigmasaun, xenofobia no rasismu hosi pesoál saúde, responsavel imigrasaun, UPF, wainhira hala'o sira nia kna'ar. Para aleinde ne'e iha kolaborasaun servisu diak iha postu integradu entre UPF, alfândega, imigrasaun, DNNT, pesoál saúde, no servisu kuarantena, no la detekta ema ho sintomas ba COVID-19.

❖ *Fronteira Terrestre Salele Mota-Masin*

Iha pontu entrada Salele Mota masin, durante periodu EE-6, iha observasaun PDHJ nota katak postu integradu ne'ebé kompostu hosi imigrasaun, UPF, DNNT, alfândega, kuarantena no servisu saúde, aplikasaun regras sira kona-ba prevensaun Covid-19, ba ema hotu, transporte no sasan sira hotu, halo dezinfeta, termu scanner, fase liman, uza máskara maibé kestaun distánsia sosiál sai nafatin preokupasaun, para aleinde ne'e seidauk detekta ka identifika ema ne'ebé maka deskonfia positivu Covid-19, nomós prosesu atendimentu nafatin aplika medida prevensaun tuir protokulu saúde nian.

Iha sorin seluk, PDHJ kontinua observa katak kooperasaun servisu entre imigrasaun, alfândega, no DNNT iha pontu entrada Salele Mota Masin, Unidade Polisia Fronteira (UPF) iha Salele, F-DTL pontu entrada postu Salele, no Unidade Polisia Maritima (UPM) postu Suai Loro la'o di'ak tebes. Maibé entidades *front line* sira ne'e hasoru obstaklu hanesan menus rekursu umanus, fasilidade hanesan kareta ho motor la adekuaudu hodi halo movimentu iha área fronteira partikularmente ba membru UPF. PDHJ mós observá katak laiha violasaun direitus umanus ne'ebé liga direta ba asesibilidade saúde, informasaun no partisipasaun, direitu ba onra no privasidade, nomós estigmasaun, xenofobia no rasismu iha fronteira Salele Mota-Masin.

❖ *Fronteira terrestres Sakato-RAEOA*

PDHJ direktamente halo observasaun iha fronteira terrestre Sakato no nota katak kolaborasaun servisu entre UPF, servisu Imigrasaun, servisu kuarantena no servisu alfândega la'o di'ak tebes wainhira halo servisu konjunta ba atendimentu públiku hodi kumpri regra EE-6 liu-liu aplikasaun ba medidas preventivas COVID-19 hanesan: uza máskara, termu scanner, dezinfeta, nomós fase liman maibé kestaun distánsia sosiál sai nafatin preokupasaun maske responsavel postu integradu iha fronteira Sakato kontinua halo diseminasaun kona-ba prevensaun hada'et moras COVID-19 inklui sosializasaun hosi lideransa komunitaria.

¹⁸ Artigo 15.º (2) Dekretu Governu .º 13/2020, 3 Outubru .

Durante periodu EE-6 iha fronteira Sakato, PDHJ mós nota katak laiha kazu violasaun direitus umanus ne'ebe liga direta ba asesibilidade saúde, informasaun no partisipasaun, direitu ba onra no privasidade, nomós estigmaun, xenofobia no rasismu wainhira halo atendimentu públiku iha fronteira Sakato-RAEOA.

❖ Portu Dili (Aportil IP)

Observasaun jerál PDHJ nian iha portu Dili no portu Kitahara Mahata RAEOA, durante implementasaun EE-6 nota katak kontinua kumpri no implementa nafatin medidas preventivas hanesan iha bee fase liman, hand sanitazer/dezinfeta no termu scanner tuir padraun saúde mundial nian, maibé tuir observasaun katak pasajeirus sira kontinua la fó atensaun sériu hodi kumpri uza máskara, distánsia sosiál, la fase liman nomós sempre halibur hamutuk wainhira halo viajen inklui ba sosa billete.

Iha EE-6 PDHJ mós observa ba **Ró Sukses** no **Ró Nakroman** kona-ba regra no facilidade sira nota katak kontinua iha kooperasaun servisu ho APORTIL.IP relaciona ho kumprimentu ba regra medidas preventivas hodi halo dezinfeta ba ró no koko temperatura pasajeiru nian antes pasajeiru sa'e ba ró laran no tun hosi ró inklui mós sasan sira, maibé comunidade sira nafatin laiha konxiénsia hodi kumpri regra medidas preventivas ba COVID-19.

❖ Aeroportu

Periodu EE-6, PDHJ observa diretamente ba: **Voo Air North** no aviaun **Hercules** iha aeroportu internasionál Prezidente Nicolau Lobato. PDHJ nota einjerál katak, pesoál sira ne'ebé servisu iha aeroportu refere, kumpri hodi pratika nafatin medidas preventivas tuir padraun saúde mundiál ba ekipamentus prevensaun Covid-19 hanesan halo dezinfetante ba pasajeirus nia isin lolon inklui sasan sira nomós koko termu scan ba pasajeirus molok tama no sai hosi aeroportu Nicolau Lobato.

PDHJ mós nota katak pasajeirus sira kumpri regra medidas preventivas hanesan uza máskara no fase liman maibé la kumpri ba distansiamentu sosiál nomós halibur malu (detallu iha aneksu tabela 2).

Voo Air North iha loron 21 Outubru iha tuku 12:25 OTL tun iha aeroportu internasionál Prezidente Nicolau Lobato hosi Darwin, Australia mai Dili, Timor-Leste, tula mate isin sidadaun Timor-Leste na'in ida (1) ho materiál balun. Voo refere la tula pasajeiru tama mai no sai hosi Timor-Leste.

Iha sorin seluk loron 21 Outubru Iha tuku 01.45 OTL, aviaun **Hercules**, Forsa Australia tun iha aeroportu internasionál Prezidente Nicolau Lobato hosi Darwin, Australia mai Dili, Timor-Leste, tula pasajeiru ema estranjeiru na'in tolu. Pasajeiru ne'e diplomata Australianu ida (1) ho nia família.

PDHJ observa einjerál katak pasajeiru sira wainhira tun hosi aviaun ka sa'e ba aviaun ekipa vijilánsia ba prevensaun surtu COVID-19 pesoál saúde hosi Ministériu Saúde diretamente halo dezinfeta ba pasajeiru no sasan sira, halo mós termu scan no hareé sertifikadu livre hosi Covid-19

ba kada pasajeiru antes sira halo prosesu *check out*, nomós direktamente lori sira ba auto-kwarantena durante loron sanulu resin haat.

f) Edifisiu Públiku

Durante periodu EE-6, PDHJ direktamente observa iha edifisiu públiku hamutuk sanulu resin rua (12)¹⁹ no nota katak entidades públiku hirak ne'e kumpru hodi disemina informasaun kona-ba medidas preventivas COVID-19 maibé PDHJ hareé katak funsionariu públiku inklui parteira sira einjeral la kumpru hodi uza máskara ba halo atendimentu inklui distansiamentu sosiál, detallu iha tabela aneksu 2.

g) Fatin Públiku

PDHJ halo observasaun direta ba fatin públiku sira tuir Dekretu Governu²⁰ artigo 15.º (2) hodi hareé kona-ba kumprimentu comunidade ho jestor negosiu relaciona ho regra EE-6 partikularmente ba medidas preventivas COVID-19, PDHJ nota katak maioria iha (merkadu, loja, banku BNCTL, no loja Timor Telekom) la kumpru. Detallu iha aneksu tabela 2.

h) Konfinamentu Obrigatóriu

Tuir Artigu 08.^{o21} no 09.^{o22} hñsi Dekretu Governu²³ PDHJ iha EE-6 kontinua observa katak iha pontu entrada Mota Masin, Mota-Ain no Sakato laiha ema estranjeiru ka Timor-oan ne'ebé hetan diagnosa ba infeksaun moras SARS-Cov-2 (Covid-19).

PDHJ, iha loron 27 Outubru 2020, halo entrevista ho Sr. Cirilio Sirio Bere Moniz nu'udar xefe suku Odamaun munisipiu Bobonaro katak iha EE-6 comunidade nain neen (6) maka tama ilegal hosi Atambua-Indonesia no direktamente xefe suku kolabora ho UPS Suku no servisu saúde hodi kaptura sidadaun sira ne'e hodi tama ba iha konfinamentu obrigatóriu iha Batugade.

Iha EE-6, PDHJ mós halo entrevista ho segundu komandante PNTL Munisipiu Ermera, Sr. Ludgerio Lay, informa katak iha EE-6 komando PNTL Ermera kaptura ema hamutuk sanulu resin hitu (17) ne'ebé tuir serimonia arte marsiais iha NTT-Indonesia nune'e komando PNTL Ermera entrega kedas ba parte responsavel saude hodi kumpru konfinamentu obrigatória ka kuarantena durante loron sanulu resin haat (14).

Iha loron 15 Outubru 2020, PDHJ entrevista ho Sr. Julio da Costa Xavier, nu'udar xefe suku Meti-Aut informa katak durante EE-6 iha Timor-oan hamutuk walu-nulu resin haat (84) kompostu hosi estudante no traballadór sira maka tama hosi fronteira terrestre mai iha suku Meti-Aut no wainhira sira tama autoridade lokál servisu hamutuk ho OPS no parte saúde hodi lori sira ba iha kuarantena obrigatória hodi kumpru loron sanulu resin haat (14) antes antrega ba familia. Para aleinde ne'e, iha suku Akadiruhun iha nain ida (1) no lideransa lokál servisu ho OPS no parte saúde nian hodi submete ba kuarantena hodi kumpru regra bazeia ba entrevista ho Sr. Juvinal da Conceição nu'udar xefe suku Akadiruhun.

¹⁹ Detallu iha aneksu tabela 2.

²⁰ Décretu Governu N.º 13/2020 de 3 de outubro.

²¹ Artigo 08 *Isolamento Terapêutico Obrigatório*.

²² Artigo 09 *Isolamento Profilático Obrigatório*.

²³ Décretu Governu 13/2020 de 03 outubro de 2020.


Para aleinde ne'e, PDHJ mós hetan informasaun direta hosi direktur regional servisu saude RAEOA Sr. Luis de Jesus Neno, katak iha sidadaun Timor-oan hamutuk sanulu resin ida (11) kompostu hosi estudante no komunidade maka kumpri konfinamentu obrigatoriu iha otél Oé-Upu RAEOA tanba tama ilegalmente hosi NTT-Indonesia mai liu hosi fronteira terrestre Oésilo nian no sira halo ona teste ho rezultadu negativu. PDHJ iha loron 27 Outubru 2020 kontinua observa fatin kuarantena iha Mota-Ain katak iha ema nain sanulu resin haat (14) maka kumpri hela konfinamentu obrigatoriu maibé sira mós hetan tratamentu ka atendimentu di'ak hosi Governu.

PARTE III – ATIVIDADE PDHJ

PDHJ nia knaar tuir kompeténsia determina iha Konstituisaun RDTL²⁴ no Estatutu PDHJ²⁵ sei implementa liu hosi atividade oi-oin, inklui simu kesar, monitorizasaun ka fiskalizasaun no rekomendasaun.

A) *Tratamentu Kesar*

Durante periodu implementasaun EE-6 loron 05 Outubru to'03 Novembru 2020, PDHJ rejista keixa hamutuk tolu-nulu resin rua (32) detallu iha gráfiku tuir mai:



Gráfiku 1 *Tratamentu Kesar*

Gráfiku mensiona iha periodu EE-6 deskreve katak keixa ne'ebé PDHJ rejista barak liu maka kona-ba indisius violasaun governasaun di'ak rua-nulu (20) no indisius direitus umanus sanulu resin rua (12), keixa barak mai húsi munisipiu Dili/nasionál hamutuk sanulu resin sia (19) no barak liu keixa húsi mane hamutuk rua-nulu resin neen (26), para aleinde ne'e keixa barak liu rua-nulu resin tolu (23) hato'o direktamente hosi nain rasik kompara liu hosi karta hamutuk sia (9).

²⁴ Artigu 27 KRDTL.

²⁵ Estatutu PDHJ Lei Nu 7/2004.

B) Monitorizasaun

PDHJ nia monitorizasaun ba implementasaun regras EE-4, EE-5 no EE-6 nafatin foka liu ba pontu entrada hanesan: portu, aeroportu, fronteiras terrestres, sentru saúde postu Saude, loja, merkadu, fatin públiku, edifisiu públiku nomós lideransas komunitárias relasiona ho diseminasaun ba medidas preventivas Covid-19 no regras EE-6.

C) Intervensaun urjente liu hosi rekomendasaun espesífiku ba entidade sira

Iha EE1 to'o EE-6, PDHJ halo rekomendasaun, tratamentu kesar nomós uza ninia podér atu halo intervensaun urjente ba entidade públika sira atu ezije atuasaun ne'ebé respeita direitus umanus no prinsípiu governasaun di'ak. Durante períodu EE-6, PDHJ halo intervensaun direta liu húsi meius relatóriu no enkamiña fila-fali keixa ba autoridade competente.

Dili, 17 Novembru 2020

Jesuina Maria Ferreira Gomes, MPA
Provedora



ANEKSU I – REKOMENDASAUN HOSI PDHJ DURANTE ESTADU EMERJÉNSIA

ENTIDADE PÚBLIKA	TIPO	REKOMENDASAUN
	REKOMENDASAUN	
		Prevensaun – Distansiamentu Fíziku, ijene, uza máskara, cvlta halibur malu iha fatin públiku
Entidade Governu sira hotu	Dezenvolve regulamentu ka sistema	Iha EE-6, PDHJ rekomenda fila fali ba Governu hodi fó atensaun sériu atu determina instrusaun klaru ba entidades públiku sira atu kontinua promove sistema kontrolu iha pontu entrada sira hanesan: fronteira terrestre Mota-Ain, Mota-Masin, Sakato, Oesilo, portu, no aeroportu, nomós kontinua suporta facilidades no ekipamentus nesesiáriu ba edifísiu ne'ebé fó atendumtu públiku hodi asegura implementasaun regra prevensaun COVID-19.
Lideransa komuntáriu	Kumprimentu ba implementasaun regra Estado Emergenzia	Iha EE-6, PDHJ kontinua rekomenda mós ba entidades Governu partikularmente lider komuntáriu sira hodi kontinua disemina informasaun ba medidas preventivas Covid-19 ne'ebé tuir Dekretu Governu, artigu 16.º kona-ba <i>Dever Especial de Cooperação dos Responsáveis Regionais Municipais e Lideranças Comunitárias</i> .
MS MI MOP	Dezenvolve regulamentu ka sistema no fornese ekipamentus no facilidades	Períodu EE-6, PDHJ rekomenda nafatin ba Governu partikularmente ministériu relevante sira hodi kria mekanizmu ida ne'ebé bele garante kapasidade nat'õn hodi kontrola importasaun moras COVID-19 iha Timor-Leste, nomós reforsa instalasaun ekipamentu prevensaun Covid-19, iha pontu entrada sira hanesan portu, aeroportu, fronteira terrestre, loja, merkadu, edifídiu públiku, nomós fatin públiku sira, no fornese ekipamentu no facilidades apoiu iha sentru saúde sira ne'ebé servisu iha liña fronteira, inklui fornese máskara no fasilita bee ba tanki sira ne'ebé instala ona iha EE dahuluk to'odalima.
Entidade fiskalizadór (ME,JD MSSI, MOP)	Kumprimentu regra EE no kapasitasaun	Iha EE-6, PDHJ kontinua rekomenda ba Governu espesifikamente ba Ministériu sira ne'ebé iha serbisu kona-ba atendumtu públiku nian (hanesan Ministériu Solidariedade Sosial no Inkluzaan, Ministériu Saúde, Ministériu Obras Públicas no Ministériu Edukasaun, Juventude e Desportu, nst) atu kontinua aprova instrusaun espesífiku ba entidade públika sira hodi estabese sistema instalasaun tanke bee hodi garante bee ho disponivel iha fatin públiku sira, forneshmentu máskara no indika pesoál movel hodi haforsa sistema kontrolu iha fatin instalasaun sira.
	Garante asesu ba rekursu ka facilidade nomós	Rekomendasaun PDHJ iha EE-6 ba Governu hodi kontinua fornese ekipamentus ka facilidades ba protesaun hanesan máskara, <i>handsanitizer/alcol</i> ba sidadaun

Entidade Governu sira hotu

kumprimentu ba regra medidas preventivas COVID-19

sira liuliu sira ne'ebé kbi'it laek no estudante sira nomós firme nafatin hodi rekomenda ba autoridade pública sira hodi kontinua insentiva ba iha facilidades ne'ebé instala ona tuir padraun hosi organizasaun saúde mundial, nomós kumpri hodi mantein distansiamentu sosiál no evita halibur malu iha grupu.

Asesu ba Informasaun**Entidade Governu sira hotu****SECOMS****MEJD****MS**

Dezenvolve no implementa atividade/planu ne'ebé efetivu

Maske iha relatoriu EE dahaat no dalima, PDHJ rekomenda ona maibé iha EE-6 PDHJ firme hodi rekomenda nafatin ba Governu atu intensifika informasaun iha nivel komunidadé no foti asaun relevante liuhosi metodolojia ne'ebé bele duni iha impaktu pozitivu muda komunidadé nia habalok atu bele kontrola hada et moras COVID-19 ho susesu.

MS, GGC SECOMS

Respeita direitu privasidade

Direitu privasidade ne'e importante tebes tanba ne'e PDHJ iha EE-6 rekomenda nafatin ba Governu atu garante katak informasaun kona-ba sidadaun nia identidade iha konfinamentu obrigatoriu bele fó sai de'it bainhira iha autorizasaun ka konsentimentu hosi sidadaun refere.

SECOMS

Responsabilizasaun

Iha EE-6 PDHJ reaffirma tan liuhusi rekomendasaun ba Governu partikularmente ba SECOMS (Secretario de Estado para a Comunicação Social) hodi kontinua promove kofesimentu hosi responsável mídia ba fatin kuarentena sira kona-ba prinsípiu autorizasaun ka konsentimentu hosi ema privadu nian atu hetan filmajen no fó sai informasaun kona-ba ninia situasaun saúde nian sei depende ba autorizasaun ida-idak nian.

Direitu ba Asisténsia Médiku iha Ámbito Jerál**RAEOA**

Garante asesu ba servisu públiku

Períodu EE-6, PDHJ firme hodi kontinua rekomenda nafatin ba Governu, liuliu autoridade RAEOA, tenke garante funcionamentu ba facilidade saúde iha pontu entrada sira hanesan portu Kitahara Mahata, fronteira Sakato, no Oesilo, no populasaun RAEOA einjerál. Kontinua nafatin rekomenda ba Prezidente Autoridade RAEOA atu iha kompromisu hodi fó instrusaun ba lider komunitáriu sira hodi kontinua disemina regra Estado Emerjénsia relasiona ho medidas preventivas ba Covid-19 ba komunidadé RAEOA.

MS no GGC

Haforsa kapasidade

Períodu EE-6 PDHJ rekomenda nafatin ba Governu hodi kontinua melloria servisu eintermus facilidade kuarentena hodi garante tratamentu dignu, kondisaun di'ak no promove preparasaun hosi autoridade saúde nomós iha orientasaun klaru kona-ba disponibilidade ai-moruk, tratamentu no ai-hán ne'ebé bele garante sidadaun nia saúde durante tempu iha kuarentena. Nomós PDHJ rekomenda nafatin iha EE-6 atu Governu planeia hodi sosa materiais preventasaun hodi

distribui ba facilidades saúde iha território laran inklui eskola sira nível primária to'ó superior.

Direitu ba Ai-han, Moris Adekuaadu no Direitu Traballu

MSSI
Implementasaun efetiva ba atividade/planu

Iha implementasaun EE-6, PDHJ kontinua rekomena ba Governu partikularmente ba MSSJ hodi garante ajuda umanitário, hanesan ai-hán báziku ba ema vulnerável sira.

Moris la ho Violénsia no Asesu ba Justisa

MI
PNTL

Hafora kapasidade no kuantidade

Períodu implementasaun EE dahuluk to'ó dalima, PDHJ nafatin rekonese esforsu hosi PNTL tanba ne'e rekomena tan ba Komandu Jerál PNTL atu kontinua promove koñesimentu PNTL ba nesesidade hodi mantein no hametin aplikasaun prinsipiu polisiamentu komunitário, hihosi kria komunikasaun di'ak ho komunidadade no atensaun espeisial ba membru komunidadade sira ne'ebé vulnerável liu.

PDHJ mós kontinua rekomena nafatin ba Governu espeifikamente Ministeriu Interior atu iha sesaun treinamentu ba oficiais polisia kona-ba kumprimentu ba leis no kontinua fó instrusaun Maru ba subordinadu bainhira kumpri misaun servisu iha terrenu.

Iha EE-6, PDHJ mós kompremitidu hodi rekomena ba (MI) espezialmente PNTL hodi bele aumenta personal UPF iha fronteira hodi garante movimentu ilegal.

Asesu ba Edukasaun

MEJD

Dezenvolve regulamentu ka sistema

PDHJ, iha periodu EE-6, kompremitidu hodi rekomena ba Governu liuhosi MEJD hodi esforsu atu promove eskola sira-nia kapasidade no mantein dixerplina hosi estudante sira bele kumpri regra medidas preventivas ba COVID-19. Para aleinde ne'e, rekomena nafatin mós ba MEJD hodi garante katak iha orsamentu disponivel ba iha setor edukasaun hodi sosa materiais prevensaun COVID 19 no fornese facilidades ba iha kada eskola tantu nível primária to'ó nível superior. Iha sorin seluk, PDHJ kontinua rekomena nafatin ba Ministeriu Edukasaun Juventude Desportu atu hare fila fali oras hanorin ba estudante sira iha âmbito pandemia COVID-19.

Atendimentu Públiku

PDHJ, iha EE-6, afirma tan ba MS atu kontinua nafatin fó apoiu materiais

MS

Garante asesu ba rekursu

prevensaun COVID -19 ba sentru saúde, postu saúde no ospítal referál sira iha munisípiu hotu hanesan máskara, hand sanitaizer, termu scanner, luvas no seluk tap.

SAS

Garante asesu ba rekursu ka fasilidade

Iha EE-6, PDHJ kompremetidu hodi rekomenda nafatin ba Governu atu uza oportunidade kombatê pandemia COVID-19 nian atu desenvolve estratéjia ida ne'ebé bele halais asesu ba bee moos ba ema hotu-hotu no garante katak ohin loron no aban bainrua komunidadade tomak sei iha asesu ba bee moos atu hatan ba nesesidade uma laran no ijine.

PDHJ mós akresenta tan iha EE-6 ba Governu espesifikamente SAS atu plancia orsamentu hodi instala bee moos ba eskola sira, edifisiu públikus iha territóriu laran atu kontribui ba ema moris di'ak no ijine no indika responsavel espesifiku hodi halo kontrolu ba instalasaun sira ne'ebé estabesidu.

Tabela 1 Aneksu 1. Rekomendasaun

ANEKSU II - LISTA FATIN MONITORIZASAUN NO RESULTADU OBSERVASAUN

Nu	Area Monitorizasaun (pontu entrada, sede suku, sentru saude)	Munisipiu	Papél lideransa komunitária ba diseminasaun regra EE-6 no medidas preventivas COVID-19		Uza Máskara	Fase liman	Distansia social	Halibur malu iha grupu / fatin públiku
			Kumpri	Lakumpri				
1	Dato	Liquica	✓	Lakumpri	La kumpri	La kumpri	La kumpri	La kumpri
2	Administrador	Liquica	✓	Lakumpri	La kumpri	La kumpri	La kumpri	La kumpri
3	Meti-aut	Dili	✓	Lakumpri	La kumpri	La kumpri	La kumpri	La kumpri
4	Aisirimou	Aileu	✓	Lakumpri	La kumpri	La kumpri	La kumpri	La kumpri
5	Adminitrasaun	Ailleu	✓	Lakumpri	La kumpri	La kumpri	La kumpri	La kumpri
6	Malere	Ailleu	✓	Lakumpri	La kumpri	La kumpri	La kumpri	La kumpri
7	Bando-Dato	Ailleu	✓	Lakumpri	La kumpri	La kumpri	La kumpri	La kumpri
8	Liurai	Ailleu	✓	Lakumpri	La kumpri	La kumpri	La kumpri	La kumpri
9	Fahirin	Ailleu	✓	Lakumpri	La kumpri	La kumpri	La kumpri	La kumpri
10	Lauala	Ermera	✓	Lakumpri	La kumpri	La kumpri	La kumpri	La kumpri
11	Akadiruhun	Dili	✓	Lakumpri	La kumpri	La kumpri	La kumpri	La kumpri
12	Kolmera	Dili	✓	Lakumpri	La kumpri	La kumpri	La kumpri	La kumpri
13	Buibau	Baucau	✓	Lakumpri	La kumpri	La kumpri	La kumpri	La kumpri
14	Uma Ana-Ulo	Baucau	✓	Lakumpri	La kumpri	La kumpri	La kumpri	La kumpri
15	Uatu-Haco	Baucau	✓	Lakumpri	La kumpri	La kumpri	La kumpri	La kumpri
16	fahirin	Baucau	✓	Lakumpri	La kumpri	La kumpri	La kumpri	La kumpri
17	Tirilolo	Baucau	✓	Lakumpri	La kumpri	La kumpri	La kumpri	La kumpri
18	Postu Vernasse	Baucau	✓	Lakumpri	La kumpri	La kumpri	La kumpri	La kumpri
19	Samalari	Baucau	✓	Lakumpri	La kumpri	La kumpri	La kumpri	La kumpri
20	Caicua	Baucau	✓	Lakumpri	La kumpri	La kumpri	La kumpri	La kumpri
21	Odomau	Bobonaro	✓	Lakumpri	La kumpri	La kumpri	La kumpri	La kumpri
22	Holsa	Bobonaro	✓	Lakumpri	La kumpri	La kumpri	La kumpri	La kumpri
23	Santa Rosa	RAEOA	✓	Lakumpri	La kumpri	La kumpri	La kumpri	La kumpri
24	Sau	Manatuto	✓	Lakumpri	La kumpri	La kumpri	La kumpri	La kumpri
25	Maubisse Villa	Ainaro	✓	Lakumpri	La kumpri	La kumpri	La kumpri	La kumpri
26	Aituto	Ainaro	✓	Lakumpri	La kumpri	La kumpri	La kumpri	La kumpri
27	Vaviquina	Liquica	✓	Lakumpri	La kumpri	La kumpri	La kumpri	La kumpri ¹⁷

Kumprimentu komunidadade ba implementasaun Regra EE-6 no medidas preventivas COVID-19 (uza máskara, fase liman, distansia sosiál, no halibur malu iha fatin públiku)

28	Ad. Postu. Maubara	Liquica	✓		La kumpri	La kumpri	La kumpri	La kumpri
29	Ad. Postu. Bazartete	Liquica	✓		La kumpri	La kumpri	La kumpri	La kumpri
30	Vatuvou	Liquica	✓		La kumpri	La kumpri	La kumpri	La kumpri
31	Ulmera	Liquica	✓		La kumpri	La kumpri	La kumpri	La kumpri
32	Tibar	Liquica	✓		La kumpri	La kumpri	La kumpri	La kumpri
33	Maumeta	Liquica	✓		La kumpri	La kumpri	La kumpri	La kumpri
34	Mabat	Manatuto	✓		La kumpri	La kumpri	La kumpri	La kumpri
35	Ailili	Manatuto	✓		La kumpri	La kumpri	La kumpri	La kumpri
36	madohi	Dili	✓		La kumpri	La kumpri	La kumpri	La kumpri
37	Fatuquero	Ermera		✓	La kumpri	La kumpri	La kumpri	La kumpri
38	Talimoro	Ermera		✓	La kumpri	La kumpri	La kumpri	La kumpri
39	vaviquinia	Liquica	✓		La kumpri	La kumpri	La kumpri	La kumpri
40	Postu Administrativu Hato-Udo	Ainaro	✓		La kumpri	La kumpri	La kumpri	La kumpri
41	Ailico	Ainaro	✓		La kumpri	La kumpri	La kumpri	La kumpri
42	Ailora	Ainaro	✓		La kumpri	La kumpri	La kumpri	La kumpri
43	Com	Lautem	✓		La kumpri	La kumpri	La kumpri	La kumpri
44	Parlamentu	Lautem	✓		La kumpri	La kumpri	La kumpri	La kumpri
45	Administrasaun	Lautem	✓		La kumpri	La kumpri	La kumpri	La kumpri
46	Home	Lautem	✓		La kumpri	La kumpri	La kumpri	La kumpri
47	Postu administrativu Venilale	Baucau	✓		La kumpri	La kumpri	La kumpri	La kumpri
48	Administrasaun	Baucau	✓		La kumpri	La kumpri	La kumpri	La kumpri
49	caibada Waimaa	Baucau	✓		La kumpri	La kumpri	La kumpri	La kumpri

Observasaun PDHJ

Observasaun jerál PDHJ durante EE-6 iha suku sira ne'ebé alista nota katak maioria lideransa komunitaria ka xefe suku sira iha kolaborasaun servisu di'ak ho nivel aldeia postu administrativu to'õ munisipiu inklui NGO lokál no internasionál sira hanesan PLAN Internasionál, Oxfam no Word Vission kona-ba disseminasaun informasaun EE-6 nomós medidas preventivas COVID-19. Maibé iha sede suku rua ne'ebé alista (suku Fatuquero no suku Talimoro munisipiu Ermera) laiha disseminasaun ba comunidade hanesan poster no avizu ne'ebé taka iha sede suku kona-ba medidas preventivas COVID-19 tuir observasaun PDHJ iha suku refere. Para aliende ne'e comunidade sira maioria la kumpri total kona-ba regra EE-6 nomós medidas preventivas COVID-19.

Ponto entrada	Munisípiu	Papel pesoal responsavel iha postu integradu, portu no aeroportu ba deseminasaun regra EE-6 no medidas preventivas COVID-19	Kumprimentu komunidadade/pasajeirus ba implementasaun regra EE-6 no medidas preventivas COVID-19 (uza máskara, fase liman, distánsia sosiál, no halibur malu iha fatin públiku)					
1	Bobonaro	✓	La kumpri	La kumpri	La kumpri	La kumpri	La kumpri	
2	Covalima	✓	La kumpri	La kumpri	La kumpri	La kumpri	La kumpri	
3	RAEOA	✓	La kumpri	La kumpri	La kumpri	La kumpri	La kumpri	
4	Dili	✓	La kumpri	La kumpri	La kumpri	La kumpri	La kumpri	
5	Dili	✓	Kumpri	Kumpri	Kumpri	Kumpri	La kumpri	
6	RAEOA	✓	La kumpri	La kumpri	La kumpri	La kumpri	La kumpri	

Observasaun PDHJ

Observasaun jeral PDHJ durante EE-6 iha pontu entrada sira ne'ebé mensiona nota katak maioria instituisaun hirak ne'e kumpri regra EE-6 no medidas preventivas COVID-19, maibé komunidadades ka pasajeirus sira maioria la kumpri sira nia devér nu'udar sidadania ba medidas preventivas tuir Decretu Governu nú. 13/2020 hanesan (uza máskara, distansiamentu fiziku, ijene no evita halibur malu iha grupu) para aleinde ne'e pasajeirus sira kumpri hodi uza máskara no distánsia fiziku iha aeroportu Prezidente Nicolau Lobato wainhira sira atu halo check in ka check out.

Edifisio públiku	Munisípiu	Papel instituisaun ba deseminasaun regra EE-6 no medidas preventivas COVID-19	Kumprimentu funsionariu públiku ba implementasaun regra EE-6 no medidas preventivas COVID-19 (uza máskara, fase liman, distansia social, no halibur malu iha fatin públiku)					
1	Liquica	✓	Lakumpri	Lakumpri	Lakumpri	Lakumpri	Lakumpri	
2	Liquica	✓	Lakumpri	Lakumpri	Lakumpri	Lakumpri	Lakumpri	
3	Ermera	✓	Lakumpri	Lakumpri	Lakumpri	Lakumpri	Lakumpri	
4	Baucau	✓	Lakumpri	Lakumpri	Lakumpri	Lakumpri	Lakumpri	

	servisu edukasaun								
5	STAE	Lautem	✓		Lakumpri	Lakumpri	Lakumpri	Lakumpri	Lakumpri
6	Servisu da Educação	Liquica	✓		Lakumpri	Lakumpri	Lakumpri	Lakumpri	Lakumpri
7	Registo sivil	Lautem	✓		Lakumpri	Lakumpri	Lakumpri	Lakumpri	Lakumpri
8	Registo sivil Notariado	Baucau	✓		Lakumpri	Lakumpri	Lakumpri	Lakumpri	Lakumpri
9	Edifisiu konservatoriu registu sivil no notariado	Baucau	✓		Lakumpri	Lakumpri	Lakumpri	Lakumpri	Lakumpri
10	Edifisiu MSSI	Baucau	✓		Lakumpri	Lakumpri	Lakumpri	Lakumpri	Lakumpri
11	Servisu edukasaun	Baucau	✓		Lakumpri	Lakumpri	Lakumpri	Lakumpri	Lakumpri
12	DNTT	Baucau	✓		Lakumpri	Lakumpri	Lakumpri	Lakumpri	Lakumpri

Observasaun PDHJ

Tuir observasaun no entervista PDHJ einjeral durante EE-6 iha edifisiu públiku ne' ebe' alista sanulu resin rua (12) instituisaun hirak ne' e kumpri regra EE-6 nomós medidas preventivas COVID-19 tanba iha socializasaun ka instrusaun hosi instituisaun refere, maibe' tuir observasaun PDHJ katak funtionariu sira maioria la kumpri regra EE-6 inklui medidas preventivas COVID-19, kona-ba (uza máskara, distansiamentu fiziku, ijene no evita halibur malu iha grupu) waimhira halo servisu atendumtu inklui mós comunidade sira.

Sentru saude, klinika no postu saude		Munisipiu	Papél pesoal saude ba desiminaasaun regra EE-6 no medidas preventivas COVID-19	Kumprimentu comunidade/pasiente ba implementasaun regra EE-6 no medidas preventivas COVID-19 (uza máskara, fase liman, distansia social, no halibur malu iha fatin públiku)					
1	Sentru saude	Aileu	✓	La kumpri	La kumpri	La kumpri	La kumpri	La kumpri	La kumpri
2	Sentru saude	Ermera	✓	La kumpri	La kumpri	La kumpri	La kumpri	La kumpri	La kumpri
3	Klinika Coração	RAEOA	✓	La kumpri	La kumpri	La kumpri	La kumpri	La kumpri	La kumpri
4	Postu saude Gleno	Ermera	✓	La kumpri	La kumpri	La kumpri	La kumpri	La kumpri	La kumpri
5	Servisu saude	Lautem	✓	La kumpri	La kumpri	La kumpri	La kumpri	La kumpri	La kumpri
6	Sentru saude Hatu-udo	Ainaro	✓	La kumpri	La kumpri	La kumpri	La kumpri	La kumpri	La kumpri
7	Postu saude Ailora-Hatu-udo	Ainaro	✓	La kumpri	La kumpri	La kumpri	La kumpri	La kumpri	La kumpri
8	Postu saude Ailico-Hatu-udo	Ainaro	✓	La kumpri	La kumpri	La kumpri	La kumpri	La kumpri	La kumpri
9	HOREX	Baucau	✓	La kumpri	La kumpri	La kumpri	La kumpri	La kumpri	La kumpri

Observasaun PDHJ

PDHJ nia observasaun einjeral durante EE-6 iha edifisiu públiku sentru saude alista sia (9) iha kumprimentu regra EE-6 nomos medidas preventivas COVID-19 tamba iha sosializasaun ka instrusaun hosi jector/responsavel sentru saude refêre, maibe tuir observasaun PDHJ katak parteira/ditora balun lakumpri regra EE-6 inklui medidas preventivas COVID-19, kona-ba (uza máskara, distansiamentu fiziku, ijene no evita halibur malu iha grupu) wainhira halo servisu atendidmentu. Iha parte seluk komuidade sira maioria lakumpri totalmente.

Fatin públiku	Munisipiu	Papél responsavel ba diseminasaun regra EE-6 no medidas preventivas COVID-19	Kumprimentu komuidade ba implementasaun regra EE-6 no medidas preventivas COVID-19 (uza máskara, fase liman, distânsia sosiál, no halibur malu iha fatin públiku)			
1 Merkadu	Aileu	✓	La kumpri	La kumpri	La kumpri	La kumpri
2 Loja	Aileu	✓	La kumpri	La kumpri	La kumpri	La kumpri
3 Banku BNCTL	Aileu	✓	La kumpri	La kumpri	La kumpri	La kumpri
4 Loja Timor Telecom	Liquica	✓	La kumpri	La kumpri	La kumpri	La kumpri

Observasaun PDHJ

Implementasaun periodu EE-6 PDHJ observa iha fatin públiku haat (4) iha merkadu no loja la kumpri regra EE-6 nomós medidas preventivas COVID-19, maibé iha banku BNCTL, no loja Timor Telecom sira iha kumprimentu ba aplikasaun medidas preventivas COVID-19, iha sorin seluk komuidade maioria la kumpri regra EE-6 nomós medidas preventivas COVID-19.

Tabela 2 Lista fatin monitorizasaun no rezultadu observasaun